

tji alamesigep, na totjio amsgoes elitasig alames na pilei alasotmôgoöma; ag elp gelosit nsagmaminen Sanpatist: Teni gisi ponaneomimges totjio negem nensasi ginoatoapeni tesilitj gepina onamagiga tan tliateo na nagoeg elegeoiatimga; ag elp mimatjainogogipigoelig petjitatgig tangig petjinatji grôtemotgiga tan telgig oltasoagan nisanemagoega, tjel gelapis nemitasin alames na pilei alasotmôgoöma; ag gotjinoag patliasag gelolgeg nestoimtingeg ignemoinameteg otjit tan migmaoatj teli melgi ôgôtgôpisitj alasotmagnitgoga. Ag gis nipi alasotmaangeg maoi gelosit Sagmao Sanpatist Teni negem gelolgeg tan teli ginatoinametj otjit tanel Gisolgeigtog e-laotigomogela, tjel elmi gagi nestoapogoeteg teliminametep tan amgoes egtigonag igalog pôtjji alasotmaigo maoi apôgenematimgeoi alasotmagen eotesno neogtisgegsitjlig maliag ag alasotemagen tjipgelmoleg tan maoi apôgônemolg tesigo migejmaoiga ag lipogooim na alasotmagen misogo Oedjioli Nisgam lipoeietj osgitgatmoga. P. T.

Ap. 20—Sgemtog maktigloimges etasio egentieotieg ap etli alamesigep; golaman mesgig oltasoageneg, na nagoega mo teli sgematemegsep teli alamesin epogtjiga na alasotmôgoömgä.

Sgemtog getoi maltigleoiimges malielopenis Pagsima Gol ag Maggi Miglaot, gelolgeg pestieoiimges, pig-oelgag oenag pegisingag, mset oantagteg, mdoe oen petji mimogsepen potala petjitateogiga.

Sgemtog petji mitgoopenig Sag Pagsima ag otepitemel Mali Galölin Egiana nige me eigig, gato epit te-oetjig slogatg. Ag mitjoatjij oesgitjinoit Gelepin Tennis ototjijtel Tjani Gol oigmatjel. Sgemtog Noel Tôni oetjiet gtjigang, tôgo saseoisena otoma tesipôoa misôgo tapo, tôgo mo inim etog atji ganicoiga. Sgemtog pigoelig nige gat ola elmege megetatitji tanig gategeoinogoa. Nesesitjig elpatosg nipogtog etlogotitjig, Egian Gol, Tjametj Gol ag Tjani Gol, gis neogt egentieoti otimeneoa.

STEWARTON nige eig San Matieo Gaplan, listogotjig tedli osgitjinoit, metlasiponas tjel nan pôtgamgasiteg, menag aptj oetjileog, gato pempaniag getoi atji neiapteg otana, 61 eli mesganatôg ototjjeina, gato gisigoag Piel Pasgitôg oetjieteg aglasieoagig na giswi setaneomimges na totjio nagteg ometgi listogotjga, netna etog 1864.

## LISTOGOTJGEOEL

Loi Selöm pegisingep listogotjg ag ogtesol, elalasenel otepitemen gesinogoaiteg npisonogôomigtog.

Elp Lemî Pelnal epegoitg tlei emitogot ag oelapteg otan. Aptj gnatjij 14 tes. tliisip tan notapteget geginamasotigtog natji mitogoaipeni mitjoatjij sgoligtog, ag ignemoatji oigatigenel nangel apangitotetjijtel; lei mesneg tan me siaoi sgoleois, Tjeni Lalôg, tan eln pa menag pelatog; tôgo tliisip tan me gesi pan-oitjgatg teli ginamatimgel ag oeli sapotasiitel, netna Makta Aitjig elp gelolgeg mesneg oigatigen; semtog apgteg elagatitjig Alig Mölsön, Pega Aitjig, Löla Palnape, Nelli Lalôg, Mali Tjen Pasg, Tjeni Metallig, Lina Malsan, ag Maggi Metôt, tôgo Alig oetneg; net ogtetjig aptjetotitjig tapogol ignemotjigel Maggi Palnape ag Sanpatist Nisg.

Elp patlias magtaoegenag LeBlanc teloisit emitogoes goeltamoltimges, tôgo solieoetjij nagteges otjit sismôgonei pgotj.

Ag pagalastemeg tan teli olôtimeg ola gesiga; pa sig tapositjig mitjoatjijteg nepgig Sala Tjen Sol, 7 tesiponat, Lemî Sol ototjijta ag Samioel Lisal Gog, neogtiponat, Oelliom ogoisitjijteg; tôgo aptj tapositjig nepgig oesgitjinoitgig paseg gisi lopalotgig Piel Alsenô oniktjana ag Möis Gontô oniktjana. Oesgitjinoitjig oetjategemg ponaneomimges Sôsep Metôt, 16 tes. pon.; Piel Napi, 18 tes.; ag Mali Senpiep Eoletjit.

Tgôg oetjategemg neogtinsgagal mesgigel alamesel elitasigsepenel otjit gisipasoegatig epoltitjig; ag tanig tepgignemotjig, oegela eta: 5 tes. pon. Isagôg, 15 tes. Mali Glôtôg oegôpegitg tleilag, 31 tes. Plisit Tjolianôg oitjei: nepgigeoei tepgenoset 22 tes. Semiôg, 24 tes. Mali Pigiêlôg, ag 6 sonmingeoei Noel Tesplôg.

OIAGIAMOTGAG—neoitjig oitjigititjig nepgig me lmo neotipongenog: amsgoes nepg Antle Pal, 20 tetotjeg, apignatjet 11 tes. 1909; sgemtog elpatotjij nepg. siptemelôg 21 tes. Pagsima Pal teloisit, 13 tepgenosetjig tetotjeg; sgemtog Mlisel Pal nepg agtôpel 11 tes., 22 tetotjeg; sgemtog nigetj apignatjit 7 tes. 1910 Noel Pal nepg. 29 tetotjeg, na mset neogtetjig egsinogôoagna, nôgmegeoei teloisig.

Etog tami seg elp einotitjig nepgig, oles agnotemen otjijatj alasotmelseogon.